

覆

瓿

餘

集

會稽令張公省齋余姊丈也已亥
冬謁選得會邑欲強余偕來叅贊
內外事余竊喜且懼喜則以公
之才理劇邑自恢々乎游刃有餘
而余得從之一游以際其盛懼則

以余之樸拙無能不克効寸長以
相助不幾有負携挈之意然忝在
至戚誼不容辭曰束裝桓會不覺
荏苒七年矣厯年來上署分刺之
符而八邑頌神君兼理山邑之篆

而鄰封歸治譜益喜我公不惟
治會邑而有餘且兼綜而仍綽然
有餘也然聽政稍暇尚手不釋卷
洵為仕優則學上優則仕者乎余
雖素餐數年殊慙無補竊幸公

之才有餘而無煩借籌庶幾其釋
余之懼也今年夏諸同人與甥輩
刻公治會之政牘告成余并輯
公之署篆諸稿請付梓以附其後
目亦名之曰覆瓿餘集俾覽者即

其餘而服其才德之絕人則全集
更可見矣將用獻 當宁懸國門
永為天下法豈真士衡兄弟所稱
霞甕物哉

歲丙午夏四月愚內弟薛一縉拜

書於會稽官舍

覆甕餘集目錄

飭禁流匪以靖地方事

嚴查賭博打降等事

申飭稽查等事

妹死不明事

憲救倒懸事

擬賑究烈事

稟救事

寬同案同等事

仰遵 憲批事

號 憲訊追事

鯨吞豈銀等事

遵控反銷事

報明事

有捕無官事

諸賢

前事

捕縱殃民事

拆毀強佔等事

投訟受冤事

條陳錢穀等事

地虎刼本事

東陽

棍拆民巢等事

橫竊拒傷等事

異姓亂宗事

嚴清盜源事

勸諭完糧等事

嚴交代之察核事

移供獄中

諸神記

覆甕餘集

東敬張我觀昭民甫著

受業朱培

薛一縉殿臬訂

姪男

諄校輯

飭禁流匪以靖地方事

署紹興府清軍總捕海防兼管寧台分府事 元年分 行各屬縣

照得郡城迤北直達三江陸山石澗路當孔道其間居民樸實類皆守分耕農近訪有等匪類勾通外來流棍假乞丐爲名盤踞廟寺日則白撞拘摸夜則踰牆鑽穴居民受害難防寺僧慮患隱忍種種不法殊堪髮指除差捕密拿外合亟出示嚴飭爲此示仰該地總保并附近居民住持人等知悉嗣後如前項游匪仍前盤踞寺廟肆行不法許該地總保居民住持卽日扭稟

赴廳以憑嚴加重處決不輕貸須至示者

嚴查賭博打降等事

署紹興府清軍總捕海防兼管寧台分府
雍正元年十月分 行各屬縣

照得本縣遵奉

憲檄委署廳務查各屬居民循良者固多而

玩法生事者亦復不少有等開場放賭勾引游惰喝雉呼盧廢
時失業漸且流入穿窬又有遇事生風好剛使氣一時口角拳
棒交加每至不惜身命殊可痛恨除現在密訪嚴拿外合行申
禁爲此示仰廳屬都坊總練冊書及四民人等知悉嗣後各安
本分毋作非爲如有前項不法棍徒膽肆賭博打降者許該地
總冊書立即稟報所在官司拿解到廳以憑法究倘敢徇隱
察出一體重處如該地實無前項等弊每於朔望日具結投

廳查核本署分府雖五日京兆然受一日之事必爲地方戢暴

除頑也各宜凜遵毋違特示

申飭稽查等事

署紹興府清軍總捕海防兼管寧台分府事
雍正二年二月分 行中村杖錫二巡檢

照得大嵐山處於萬山之中崇崗峻嶺爲餘上新嵒鄭奉寧海七縣交界之區且鄉居村落盡屬溪山碁布星羅相爲聯屬其中最易藏奸特設分府統轄三郡防微杜漸靖盜安民先經

各憲飭禁力行保甲是以宵小潛踪今本縣遵奉 憲委署理

印務念夏秋以來天道亢旱禾稼薄收民間旣鮮蓋藏隆冬更宜防範恐有不肖之徒偶遇飢寒不能安分或一時妄想或勾引奸徒鼠竊狗偷肆行無忌亦未可定除飭行杖錫中村二巡檢嚴查保甲杜匪安良外合行申飭爲此仰該地鄰總保甲鄉練四民人等知悉務當恪遵禁諭在於各村之中一甲之內互

相勸勉實力稽查樵採耕讀各守本業出作入息共享昇平倘
有不法之徒或聚賭呼盧或打降生事或勾匪潛匿或中宵行
竊者許卽指名立報本署分府以憑嚴拿輕則枷責重則詳究
如該地鄰總人等借端滋擾一經發覺定行重處決不姑寬各
宜凜遵毋違特示

妹死不明事

署山陰

三年八月分

查看得余尊一余如麟以妹死不明事呈控韓楚仲等一案經前縣鄭令訊供通報奉 憲批飭檢驗因鄭令丁艱委職任事祇緣金姐之家主朱長仁等患病以致不能卽檢今因例限將屆嚴拘嫡屬往檢隨據金姐祖母余曹氏以孫女幼失怙恃鬻爲人婢若干死後再經檢驗難免蒸拆之慘哀籲免檢前來查事關人命恐有賄攔情弊經職研訊委出實情復訊案內犯証僉供金姐實屬失水殞亡卽余尊一等亦供李氏毆打原未親見等語第查此案奉批檢驗

卑職

又何敢據詞請免惟是金姐

卽爲家主毆傷身死亦律無抵命之條况據伊祖母余曹氏哀

籲至再舐犢情深余尊一等亦甘免檢且金姐幼失怙恃卽爲人婢死後再遭蒸折實屬堪憐

卑職

仰體

憲仁故敢冒昧詳

請但金姐卽溺水身死是寔而朱長仁不行報官驗殮亦屬不合無怪余尊一有妹死不明之控今可否免檢于朱長仁名下罰穀二十石積貯社倉再斷銀八兩以爲金姐超薦之資給發余曹氏領埋結案

鴻恩自出

憲奪非

卑職

所敢擅便也

憲救倒懸事

署山陰

雍正三年八月分

審看得金允鈇控告陳簫統衆奪菱乘縣謝事帖送捕衙差拘勒索一案奉 憲批縣查審遵卽檢查前縣原卷於八月初六日有生員陳簫以金景周等阻種毆傷裂衣等情詞具控前縣批衙查究以致金允鈇卽於十三日以前事赴控 憲轅弔查衙卷內有原賣主丁伯通之子丁煥如訴稱因四月間金陳爭田互控隨寄書問父今已覆云止賣與陳並未賣金田由老耕清付與陳可以弔驗等情迨至拘集庭訊因煥如未經到案以致兩造各執偏辭衆各袒証無憑質寃然取驗各契而金允鈇所執係五十六年價買其契由字號各別雖稱由爲柳姓遺失

契內註明以別號之由作抵等語但正由果經遺失止須於契內註明何用將別號之由作抵豈彼號之田獨可無由也此真畫蛇添足欲蓋彌彰矣况驗其老契較與新契紙墨反新似屬造作據稱係活買故未過戶但柳姓亦稱活賣與丁而丁何獨過戶也此說更爲奸狡及查陳簫之契買在五十八年則係後買細驗其契因田係兩升柳姓兩次賣與伯通其原契兩紙實爲老契無疑且有正號由帖二紙則允錢之契明係柳君侯謀佃無術串造情真所倖丁伯通遠出未經到案從寬免其深究田歸陳簫管業本年租米八石應於柳君侯名下追給至所控衙差苛索之處不惟該役章美堅不承認卽該地總亦稱止吃

飯一盞並未見錢雖王君義質供見付然係允鉞貼鄰焉非袒
証難以偏聽可否邀恩從寬免其深求卑職未敢擅便相應
一並詳候 懇奪

掘塚究烈事

署山陰

查得許永顯拋骸掘塚之控已結訟一十九年矣緣永顯故父于康熙六年買得丁又僑坟地一畝八分零此外丁姓自存坟地二分五釐及蕪地壹分契註分明歷無他說至康熙四十五年九月間永顯之弟養富葬棺于所買地內而又僑之叔子蕃亦于十二月內葬棺于自存坟邊兩不相妨乃許養富卽從此興訟以拋骸盜葬控丁姓于前任徐令批發勘訊養富所控涉虛罰瓦八千其地各照舊址管業結案延至康熙五十六年永顯又葬棺于丁姓祖坟之圍墻而反以丁姓掘其祖塚控于前任王令親行勘訊照前斷結永顯又復上控隨經前任丁令轉

行勘審弔驗原契詳蒙 前攝憲批以此案許訟有年仍照前
議罰許永顯磚瓦各四千以儆刁健豈期永顯至今不遵猶稱
掘塚冤烈且指經承匪契上瀆 憲聰然此案屢經勘審斷結
已非一次而無如許永顯猶稱不勘不審也若謂其塚被掘屢
勘安然若謂原買地一畝八分零今止一畝二分前經查丈連
丁姓祖坟亦無一畝八分之多此係年久無稽賣時錯混但于
契內註明丁姓存坟二分五釐無容異辭焉有將他人久葬坟
塋斷遷之理况已將丁姓餘外蔭地一分補償永顯管業是實
無冤抑何許永顯尚訟瀆不休盡緣其契係前縣 驗明附卷
批令繳完磚瓦給領迄今磚瓦不繳不行領契而反謂經承匪

弊以聳 憲聽誠爲奸狡之至者也今應否俯念訟經年久從寬免其追繳磚瓦給還其弊取領銷案以免拖累

稟報事

署山陰

三年九月分

審看得周阿未係已死王子和之故兄王子昭繼子也先緣阿未生父與王子昭同業船匠兩相式好將阿未自幼過繼不立繼書迨後子昭物故妻女繼亡阿未亦卽歸宗復姓已經二十餘年矣然住居僅隔半里與繼叔王子和時相往來本年九月廿四日有隣人周子標亦習業船匠家有舊船一隻被風飄入王姓公共菱蕩時子標之妻妹滿站往撈船隻年小氣力不逮阿未在旁卽爲代撈適子和看見以其攪壞菱蕩卽持荊木立于礪上毆打阿未阿未隨用手架結因子和年邁脚軟跌撲下礪阿未手結子和臂旁勢重難留以致子和跌磕右眉柱傷胸

左移時殞命族人王漢卿王君佐等在坂回家驚見子和氣絕
卽將阿未交同總甲金成執送到職當卽驗訊通報 各憲奉

批飭審遵卽捉犯及隣族人等細加研鞫阿未供認被王子和
持荊擊毆用手架結子和跌撲拄傷致死情形歷歷如繪卽訊
之隣族王漢卿等亦供稱阿未自幼繼養于王子昭歸宗已久
與王子和素無仇怨卑職揆其情形相其屍傷只有胸膛拄傷

及右眉跌磕兩處並非有意打傷雖云鬪毆寔屬過失但阿未
與子和有繼叔之稱難以凡論合依侄毆伯叔父母致死者皆
斬其過失殺傷者減罪二等律應杖一百徒三年洵無枉縱至
船戶周子標出外生理並不在家滿姑年幼女孩本無干涉隣

族王漢卿主君佐陸思遠周君輔總甲金成俱不在場各供在案應請省釋是否允協伏乞 憲裁

冤同案同等事

署山陰

雍正三年九月分

查看得沈良栗徐均政吳錢氏控告沈濟之等搶割田稻三詞
蓋緣孀婦吳沈氏之田被伯吳士衍盜賣曾經前令審詳 憲
斷田歸氏管各主買價於士衍名下追償在案是以沈氏令濟
之等向田刈稻致沈良栗等各有是控均蒙 憲臺批縣一併
查覆遵卽傳訊問隨據沈大化等詞稱已經親族公勸良栗另
出價銀向氏重買因前田王茹二姓買於士衍復轉賣與良栗
前付之價請於王茹名下追償良栗其王茹之價再於士衍名
下追給等情公額請息前來既經親族勸處兩情允協田銀亦
各有所着似可俯允歸結查均政所控情事與良栗之詞相符

今良粟已愿備價重買甘聽追償前價則均政亦應倣例而行如其不愿田仍歸氏價聽追給可也至三畝之田既已歸氏稻應氏割據控十一畝之稻盡被割去之說若非虛誑何爲規避任傳不前耶應無容置議惟是吳錢氏一詞既稱故夫吳迪鏐三歲繼姑吳沈氏爲嗣娶氏成婚生有兩子一女等語何得以姑歸沈門難以相依乃居於伯翁吳士衍家反欲分租養膳殊爲不合且據族人吳伯榮等詞稱沈氏並未歸住沈門公額斷媳歸養等情相應斷令姑媳相依同甘冰蘖以盡婦道如吳士衍挾怨指阻房族公計究處是否允協時值歲暮可否俯允以免拖累

卑職

未敢擅便擬合詳候

憲臺察奪批示遵行

仰遵

憲批事

署山陰

雍正三年九月分

審看得邵孫氏於四十九年再醮與邵式如爲繼室甫及一載
乘夫遠出江西卽行潛至容山地方與堂嫂之兄錢繡龍同居
生子阿徐迨至五十三年式如歸里見氏私奔遂鳴族出逐至
五十五年式如抑鬱身亡遺有囑書交前妻之子成皓收執氏
離邵門已經一十四載今因年久又矚成皓物故卽欲覬覦些
微遺產先爲率子挨身入祠與祭無何族人以其醜行昭著久
爲夫逐難容污蟻宗祠共相擯斥而孫氏卽將上年值祭之仰
楚玉以阻祭弑嫡等情詞具控前縣並未告及他事茲復以前
妻之子媳平氏別心私奔邵楚玉盜竄等情赴控 憲轅蒙批

嚴審議擬等因遵卽拘集

陳

加質訊據稱生子四歲慘夫病亡

而族人貪供式如五十年遠出五十三年始歸五十五年物故

則此子非式如之子也明矣至私奔容山被逐之處孫氏雖爲

狡飾無如族人公質甚確縱有百喙亦難爲氏掩則孫氏實爲

式如出婦無疑據稱楚玉盜賣夫田曾經告官有案不惟不能

指爲何處之日賣與何人

卑署縣

責令各房吏書遍查從前寔

無告訐之案再訊諸合族人等皆稱式如止遺房屋數間別無

他產則平氏之席捲文契別心他奔楚玉之盜賣抄皿一無確

據難以議擬深求時已歲暮可否從寬俯賜結案以免拖累相

應脩悉具詳統候

憲臺察奪

號 憲訊追事

署山 雍正三年十月分
陰

查看得沈五杲所控沈存仁之故父沈勣菴併胡叔良故弟胡更新各欠伊銀一百兩以抵應完帑項一案經今年聯拘訊存仁則堅稱故父雖曾借伊銀百金代爲捐監請誥已經揭算杲尚欠其父銀九十四兩何爲反噬然果經算明其時何不掣銷其票而猶存伊手况勣菴與五杲同族同官通融相托則素爲弊好可知今五杲邁年欠帑不得歸寧實處窮途在存仁應念先人之交誼照約半償情理允宜至胡叔良則以弟幼出門歸時弟故爲辭然更新之遺產旣爲叔良出弊受價則所欠奚容推却無如窮老不堪徒斷無益惟是受業之胡禹攀乃更新族

兄且與沈五杲亦同鄉共井也令其借與五杲銀三十兩以完
帑項以助歸資在禹攀不居疊我之名而實爲仗義之舉二約
一併塗銷可否俯允相應詳候 憲臺批示遵行

鯨吞豈銀等事

署山陰

三年十月分

審看得周公兼向販豈米營生于元年十二月間曾將蚕豈二十九袋發交朱士登代賣至上年五月內清算帳目公兼失收賬錢十千文以致兩相角口當經隣人馮玉書等公同查賬算明勸令士登找銀四兩歸結兩造遂已釋然嗣緣伊孫周學子六月內與士登之子飲酒爭鬧復以前賬未清捏控到縣卑職就經准理未及訊斷而公兼復控 憲轅蒙批查案庭訊之下不惟朱士登堅質不移卽訊諸經算之隣佑馮玉書陸慶等僉謂算賬清楚確因周學飲酒起釁証供不爽第公兼祖孫濟惡一恃年老一恃職員殊爲不法應否詳請斥究抑或念係告欠

細事從寬於周學名下罰銀二十兩以充修葺 湯公祠宇之
用稍爲少年狂妄恃職員生事之戒是否允協相應詳候 憲
臺批示遵行

遵控反銷事

署山陰

雍正三年十一月分

查看得郭馮氏夫故乏嗣繼立堂姪郭世仁卽郭季千爲後遂聘氏兄馮達先之女爲媳以圖久遠相倚無如季千串通胞兄郭越千等將商字號田四畝七分背母盜賣以致馮氏訐控縣府歷經前任正署各令斷田歸氏案牘盈尺至五十九年馮氏患病無資將斷歸之田賣與梁嘉捍爲業而郭越千等復捏爲祭產駕詞疊告屢銷屢控以致前署府陳憲批着氏之女翁應德凡同贖存祭夫此田乃係氏夫所遺並非公產不過前令會有待氏身後作爲祭田之批今馮氏生前衣食無資夫田婦賣焉得措爲祭田而禁之且令無干之應德凡備贖何能歸結

郭越千等兄弟既不能孝養其親而反欲勒其夫田存祭不容
賣價資生情理非宜今奉批查覆相應備叙全由詳候 憲鑒
施行

報明事

署山陰

雍正三年十一月分

審看得高長明乃無知灶丁也緣有沙地數畝刮泥淋瀝爲活因無煎主向買於十一月十一日用船載往沿村欲爲零售居民醃菜舟至清江橋地方適有民人呼買泊涯正待交易卽遇監捕人等以路非運瀝之所拿獲送場該場據卽通詳 各憲將犯申解到縣隨蒙 憲臺檄飭究擬 卑署縣 遵卽研訊堅稱

自地刮泥淋瀝此日無人向買載往零賣醃菜等語雖加刑鞠矢口不移惟是瀝未成鹽律無禁條若恐有私煎情弊則不惟現在泊涯零賣以致被獲雖買主在逃目不識其姓名無從拘質且無煎具並獲似難深究然旣代監賣民醃菜未便輕縱應

予重杖以儆將來船漕仍行變價充餉是否允協擬合詳候
憲臺察奪批示遵行

有捕無官等事

署山陰

雍正三年十二月分

審看得山陰學武生田柳彪所控香火菴產器皿被住僧月堂盜竊拐同諸夏福妻余氏逃匿諸暨孟觀有家一案奉 憲檄發查審緣柳彪有隣人諸夏福貧窘難支於上年三月間攜妻余氏求乞至蕭邑田村地方陡患時病藥食無資惟圖賣妻以救其生遂浼繆子林爲媒得銀十兩賣與繆七爲室迨夏福病痊子林送其歸里柳彪欲心頓起輒行索詐勒子林寫十兩欠票始釋因日久無價遂捏砌月堂盜拐等情事赴控暨邑及拘到月堂又不赴質復控 憲轅檄提發審并准暨邑關解孟觀有及據各犯投審前來當卽庭鞫毫無拐逃情事各供歷歷如

繪井追驗勒寫欠票則其索詐捏控實情畢露至月堂并原捕人等雖未准暨邑關解然柳彪家居山邑如果家菴被失自應呈報本縣細查元年十一月間並無該生報竊之呈則被盜之說更屬捏詞况據孟觀有供稱月堂拘禁暨邑因病釋放今已物故則其所控原捕蝕賍賣放明係裝砌但月堂果否拘禁病釋身亡雖未准暨邑關覆未便遽信卽今現在之繆七於投審後數日病故實皆由田柳彪之倚恃武衿任意勒詐無影駕控經年累月拖累鄉民之所致罪實難追誠未便姑容於官牆有玷士林也相應詳請 憲臺賜文褫革嚴批枷責庶使奸健劣衿知有儆惕矣

前事

署山陰

復看得田柳彪恃衿橫行魚肉鄉民實爲宮牆之敗類閭閻之
狼虎也有僧人月堂住居伊村公共香火庵中屢遭侵擾曾與
口角因而另覓清淨道場辭別衆姓潔身他往已經日久迨有
村鄰諸夏福貧窘無倚挈妻余氏求乞遠方而該生遂捏以月
堂盜竊庵資拐同余氏逃匿情事又不控於本縣而反赴暨邑
具控及經暨邑拘到月堂原呈又不赴質復行呈控蕭邑後因
夏福乞至蕭山陡患時症醫藥無資欲爲賣妻求生遂憑繆子
林說合得銀十兩鬻與繆七爲妻夏福調治稍痊子林送其歸
村乃柳彪遂以擅買有夫婦女爲由強剝其衣橫行索詐勒令

子林寫立十兩欠票約至八月清還斯時柳彪已明知余氏非
爲月堂所拐矣乃因子林至期無償復駕前詞赴控 憲轅蒙

發職審對簿之下衆供確鑿而該生之橫行索詐駕詞分控無

可遁形 卑職隨備關暨邑查明月堂有無拘執到案取供羈候

病釋身亡各情事去後復據余氏呈報繆七被累病故 卑職因

未便再爲拖延就經備叙前由詳奉 憲臺批令查明田柳彪

入學年分加具切看詳報等因茲准暨邑開覆月堂委係拘訊

侯質病釋身故并准儒學開明該生入學年分名次各前來相

應備詳 憲臺伏祈賜文轉請褫革以便按律究擬抑或從寬

批示枷責結案庶刁健之風少息而奸惡劣衿稍知歛跡矣

捕縱殃民事

署山陰

雍正三年十二月分

查看得松林村候補同知張宜井民人傅仁侯各被夥賊連竊
二次陸續具控俱經前縣勒捕嚴緝隨于五月二十八日據捕
役魏俊卽於松林地方見有積賊陳阿武駕舟在地當行拿獲
井在船王顯文同賊具尖刀鐵尺等物一並送縣供認夥同會
邑之石阿亥王阿昭偷竊未經報官失主朱幾家銅燭臺等物
井竊是村不知姓名之家豬雞肉食並未行竊張傅兩家等語
前縣隨行起取所供原贓經主認領併移提夥犯去後值前令
丁艱離任奉委 早職 署理隨准會邑陸續開解石阿亥王阿昭
二犯前來就經提集各犯井失主人等到官逐加研審各犯堅

稱並未偷竊張傳二家惟認夥偷朱畿等燭臺雞猪不諱復加
刑訊矢供如一難以深究應予枷責刺字發落已足蔽辜其王
顯文審非同夥應請免擬除添差幹捕勒限躡緝張傳二案確
賊確贓務獲另報外合將賊犯陳阿武等先行議擬詳候 憲
奪施行

拆毀強佔等事

署山陰

雍正四年正月分

查看得本府義學叢山書院之內有大佛寺基址一塊久爲廢地荒塚纍纍實與戒珠寺迥不相涉蒙前任 俞憲捐造大樓五間名曰瞻雲以廣義學之宇或 憲駕暇時課士憩息其中是以印發兩縣之修舉集內開載甚明且勒石樓前給照與祝雲等諸生赴縣請印欲垂諸永遠也今 俞憲歸途未遠而戒珠寺僧輒敢捏奉 憲諭竟欲強佔爲寺產擅將南牆拆毀東邊築垣堵塞殊屬不法毋怪董相等之毆阻也除差押該僧照舊拆修仍歸書院外事關府郡義學雖由前 憲之創始實藉憲威以永垂伏乞嚴加批飭庶得永遠遵守不致奸徒再生更

變則二憲之功德當與戴山並垂不朽矣

投訟受冤事

署山

查得天章寺乃晉代名刹坐落蘭亭之後獨處山中不涉塵世僧衆無多惟朝夕焚修日則農樵而已寺遺一字號田畝因康熙三十六年間奉

欽差大人擴充蘭亭基址曾圈僧田一十二畝零諭令墾田補項但田在山溪之間衝漲靡常人力頻施未能遽收籽粒而積役華士烈挾仇翻控僧累無休今士烈于四月間身故當據鄭令具詳蒙 憲臺批華士烈已死無庸議墾田照例陞科報繳遵經報陞緣蒙 藩憲駁飭前因復奉 憲檄飭查第四十五年挑墾田五畝四分零抵補圈田已屬不敷委無侵隱漏糧之弊

所有丈出田二畝七分零合前共田八畝二分三釐零今遵另
文造冊報陞外仰懇 憲臺轉請存案似無庸報 部致煩改
刻全書仍祈撥補寺僧園田免其賠累則衆僧之頂祝洪慈實
與天地同悠久矣

條陳錢穀大要等事

署山陰

雍正三年十月分

查得山邑額征錢糧八萬三千六百餘兩編定版圖一百九十五里每里不下二三百戶古分六花設立六柜每柜各印總串一本總流水一本按照花戶都畝順編串號聽民自封授柜當給串票每晚收完結算加填日報一本以清日收糧數此歷來成例亦必因地制宜也今

卑職

奉委署篆據里戶倪鑲等以前

事具呈據開五條一請總串改分每里一本一請五戶滾單改分一戶一單一請驗銷滾單加刷驗照一串一請南米減除每石耗米一請秋米官收官解第秋米一項例應折征銀兩現經設柜令民自封投納南米一項現奉 憲頒告示毋許加耗折

乾至本年錢糧奉行滾單頗有驗照一紙其一戶一單之說實與憲行滾單之良法有悖似皆無庸置議外惟有分串之舉蓋因一柜所收之都畝原有三十餘里花戶錯綜清算非易且以通縣之大良頑不一東影西射實煩查理若分一里一串完者一目瞭然欠者絲毫難漏欲便民清賦應如其請第七年舊欠錢糧總串已久不便更張今雍正四年漕項流串業已印頒月餘歲內日短關係冬兌冬開之項若待分串催征恐千悞清暫行仍舊外所有開征四年地丁錢糧應預期分編串號竟以天地元黃等字順序編列除入柜總流水之外應加寫逐里小流水一本征糧如此征米亦如此洵屬官民兩便緣按里分串

事出創始

卑職

未敢擅專合無詳請

憲臺核示遵行

地虎刼本等事

署山陰

雍正三年十月分

審得趙高賓東陽無賴之徒也將銀九兩餘來紹販買估衣行至清道橋陳禹公胎衣舖陡起貪念捏稱禹公兄弟攬去本銀一百零八兩四錢無貨揭與喊控到縣集訊隣衆一無見証據稱上年曾向禹公買貨爭鬧何今年復至其家自投虎穴况百金交易豈無看貨開帳憑據攬去豈無爭論而隣里聲息不聞且呈驗竹紙銀包十餘張並無包痕破損形跡詰訊之下飾實受誣挾詐情實本應按律究擬念異氓無知從寬薄責遞回原籍安插陳禹公等逐釋立案

棍拆民巢等事

署山陰

雍正三年分八月

看得胡學海之親嫂胡吳氏生有二女一子娶媳王氏子卽夭亡以致乏嗣氏以長女朱胡氏之子朱公輔繼立爲孫使其藝業蘇州而次女聞胡氏之子聞人煥不能並立爲繼輒懷妬忌奉母挈眷歸寧外家計誘買屋謀吞絕產氏屬老嫠兒女情深遂受其惑以胡學海代書立契價無一交迨後母女相繼云亡棺停屋內王氏日逐促價無償屢以有契無交叫喊地鄰而人煥始爲遷移各居其價終成畫餅以致王氏衣食無措盡將家資賣變迨今七月患毒身亡停屍乏殮學海代爲賒備未免以屋內板木石塊拆賣抵償殮殮之費而人煥等遂以棍拆民巢

等事具控就經批據地鄰查覆明確復據兩造互控毆打情詞當卽集衆示審適有浮屍往驗遂傳捕衙代訊今細閱原被及証佐供情不惟與地鄰所覆無異卽據人煥供稱學海雖是母親叔子今房被其拆賣如同仇寇等語是惟圖財產而頓忘生身之母乃屬嗜利之徒安得列爲人類況果中明價足何買經多載而不爲稅契過戶輸糧則係有契無交謀吞絕產之情已瞭然矣本應究處姑念時值歲暮從寬逐釋其房屋着令胡學海率同繼孫速行變價將屋內所停吳氏并子及媳三棺擇地安葬餘銀置田交公輔世守烝嘗屋內聞吳氏一棺並爲遷厝吳氏墓側以待人煥另行擇地遷葬所控互毆之處各無証據

俱免深求如聞人煥再敢率衆肆橫阻撓撓越卽爲扭稟以憑
法處此案

橫竊拒傷等事

署山陰

雍正三年八月

審得徐仲先徐阿明同族雁行也本年八月初六阿明往竊仲先山竹被仲先知覺同弟季先登山執獲阿明持刀拒捕砍傷仲先季先手指等處次日控縣驗傷拘訊阿明懼罪脫逃着令該總高學跟拘學見阿明貧而無賴圖詐仲先之錢捏報仲先抄毀阿明什物旋據稟獲阿明前來庭訊竊竹刀砍直認不諱本應律擬緣仲先等傷已平復念屬一本從寬重懲仍枷示該地以爲偷竊者戒再訊抄毀之日阿明倏供初六忽改初七詰問高學又稱初八日期舛錯妄報圖詐無疑亦予薄責餘俱無辜逐釋立案

異姓亂宗事

署山陰

雍正三年九月分

審得張沈氏夫故乏嗣鳴族議立近支之姪阿茂爲後已經四載有族人張子準與氏夫存日曾有微嫌遂指阿茂爲僱工駕異姓亂宗之詞控縣迨經庭鞫則以阿茂之祖出繼蔣姓爲辭質諸房族僉云近房並無可繼之人而阿茂終爲張姓之嫡派則挾怨生事實難爲子準追也時將歲暮姑從寬薄責逐釋殊爲厚倖取具不敢再控遵依附卷此案

嚴清盜源事

署山陰

雍正三年十一月分

爲嚴清盜源以安商民事照得山會乃萬壑爭流之地洵稱魚米之鄉向有滑撈小艇以捕魚爲生原屬循良守分之業近則有等奸惡棍徒假名捕魚日則安宿坐守夜則逐隊聯羣或放濠水濱或隱匿畔岸一經深夜晦冥風雨迷離之際遇有過往行舟一呼百應攢聚橫行非辱水潑激卽縱火燒篷舟客驚惶任其搬取稍爲阻拒身命幾危不惟本地之生民受其荼毒而遠來商賈亦無不遭其慘害者也然去惡務求其盡而靖盜必清其源如鼠竊小偷住居村落在坐捕隣總或未周知若此輩形同大盜空船而出滿載而歸焉能盡掩近隣耳目皆由平日

銷結總保深交隣佑一帆庇諱縱使橫行本縣涖任六載深悉
弊竇每念及此真堪髮豎茲當時屆隆冬尤宜設法嚴警除現
在查明滑舫小船盡數編甲印烙合行出示曉諭爲此示仰軍
民人等知悉凡有滑舫船隻捕魚爲生住居鄉鎮者隣總坐捕
務須不時稽察止許朝出生理夕歸安宿若有賁夜駕舟他出
勿論是否奸宄隣佑卽以犯禁報知捕總協拏送究如敢仍前
徇情縱庇一經敗露定將該地總坐捕併隣佑保甲長一並嚴
刑重處本縣言出法從斷不輕貸各宜凜遵毋貽後悔特示

勸諭完糧速滾副急餉以免差拘事

署山陰

雍正三年
十月分

照得本縣添署山篆素叨隣封稔知會民拮据可想山屬同情但本年地丁錢糧例當九月全完之限爾民任土作貢於分自難他諉今蒙 藩憲以本縣署事兩旬無銀完解特發限單將康熙五十八年九年六十年六十一年雍正元二三年各照欠糧多寡限本月內按數完足各年欠米勒限並催蒙此除將各年舊欠亦分限飭催外查本年額糧除正署各任征完外尚欠五萬三千餘兩此欠者諒非爾民故抗從中貧寒小戶因歉歲之餘意待秋成富室大家或以印官易任遂皆拖延今本縣雖日代庖緣署印一日卽有一日考成況京兵各餉例限綦嚴

上憲爲國持籌法不能緩本縣既奉限催不得不轉行急勸也
爲此示仰通縣花戶知悉凡欠歷年舊糧各照多寡之數分作
三等之限按卯速完所有本年錢糧前任於七月內初發滾單
今從民便槩不更換統限某日內按額完足八分資同驗照送
署改滾卽發歸農凡屬花戶乘今晚穀豐收各宜上緊完銷倘
敢臥滾停單勢必稽延後戶卽遵 憲頒摘單定發差拘或再
違限雖完必責本縣惟望衆花戶仰體急公勿負諄諄勸誠以
致自貽伊戚特示

嚴交代之察核事

署山陰

雍正四年四月分

竊

卑職

於去年八月間奉

憲委署山篆所有原任鄭令交盤

一案除正項錢糧另行詳明外其從前正署四任丁張衡鄭各

令共未完應捐耗羨等銀二千四百二十四兩九錢零恐累

卑

職

暫署之員先於上年九月初七日具文造冊通詳蒙

憲臺本府

批仰候 撫藩二憲批示錄報繳奉

前署撫憲傳

批仰布

政司查明飭追清項繳冊并發蒙

藩憲憲臺

批仰紹興府按照各

令應完各款銀數分檄嚴追解報毋得違延仍候 撫院批示

繳冊並發奉批隨蒙

本府憲臺

分檄飭追因鄭令又有閩米羅價

未完據稱暫往湖州設措清完各款豈竟私行回籍復經具詳

本府 憲臺 蒙批仰候差催鄭令來紹清理盤案繳各在案今 卑職 原

署山邑任內一切經手正雜錢糧與承追各案銀兩俱經交代

清楚凡一應解費耗羨與公捐勻賑刑名錢糧 部費悉行移

解周令獲有回照可據惟欠協濟蕭邑馬船銀四十八兩現在

措解且非公捐司庫之項據詳修理 湯公祠一欸此地方公

事有官守者有修理之責亦非奉 憲通省公捐之項實與署

員卸事者無涉今周令詳蒙 藩憲 憲臺 批仰紹興府遵照冊內票

簽分別查追詳報毋得徇延干咎仍候 撫院批示繳冊內票

簽丁令捐耗已於未經奉捐之先叅革離任已歸入無着項下

毋容催追至應捐節禮銀兩曾據呈懇免追詳奉 前院轉飭

該府議詳之案仰速妥議另詳核奪其餘正署各任未清之欸
速着最後出結之張署令清補完項具報毋違蒙此則除丁令
欠耗賑恤節禮銀一千三百一兩一錢五分九厘另候 憲恩
外其原署臨安縣張令所欠二年耗羨銀八十四兩零現據解
役 憲庫捐賑與查盤規禮銀一百二十二兩零與丁令事同
一體今臨令現蒙調任慈邑理應以後署任出結之衡丞是問
奚堪越正署兩任而責及 卑職 其衡丞業據鄭令詳揭虧空外
欠捐項應以詳請開復出結之員是問實於 卑職 無愆至鄭令
所欠二年耗羨并捐賑刑名錢穀 部費銀二百九十八兩二
錢四分二厘又欠閭米價銀一百五兩四錢 卑職 恐千後累已

將各令欠數先後詳明荷蒙

藩憲 憲臺

批送

憲臺仰紹興府按

照各令應完各款銀數分檄嚴追在案隨於去年九月二十日

蒙

憲臺 本府

檄開丁憂鄭令正項銀米無虧速具冊結倉收毋得

藉以捐項未清貽累上下考成

卑職

遵又詳明

憲臺 本府

出具正

項印結並不混結捐款今周令所詳捐冊票簽正署各任未清

之款速着最後出結之張署令清補完項等因

卑職

伏讀現行

新例凡正項錢糧米穀如有不清先追本人不能完補隨着朦

混出結各官并加結上司按款分賠未見獨責最後出結之官

清補况各令應完各款捐銀

卑職

先已詳奉

憲批有案若惟

正項出結之官是問則現在之最後者又應周令是責也幸奉

撫憲批送 憲臺仰布政司分晰飭追清欵合亟詳請 憲臺

恩照原批分晰飭追免照捐冊所票浮簽仰 卑職 急公者無向

隅之泣不致徒塵案牘感激天高地厚於無既矣至奉 撫憲 憲臺

批鄭令既有未清首尾何以聽其回籍一併嚴查繳奉批此誠

卑職 之咎第緣鄭令於雍正三年二月二十五日到任至本年

八月初七日丁憂二十日卸事除陸續清完正項并捐楚三年

耗羨尚欠二年耗羨捐欵以及闕米糶價辭往湖州貸補 卑職

因念鄭令未奉有看守之文設措早可完公豈期遂自回籍案

經關催弁詳 府 憲 尚提迄今未到合併詳明 憲臺原宥 卑職

推誠貽悞仰懇 憲恩移咨 江蘇撫憲或賜分檄揚州府如

阜縣督催原任山令鄭大德來紹清完非僅該令之捐款早竣而衛丞之捐項並可歸結矣

移供獄中諸神記

署山陰

乙巳秋余奉委兼署山篆因監倉疫作瘕斃時聞特備卮酒東
芻作文以祭告 司獄之神驅除疫厲入內見供有

關聖像又見蕭曹二公與獄神共祀一堂詢之禁卒云不知何
年所設噫此非其地也出而在儀門左右徘徊久之見有賓賢
館一所頽敗不堪遂捐俸鳩工亟命整葺不半月而功告成卽
移供諸神像於中楹蓋見大賓承大祭同一敬也以賓館而祀
神庶幾其兩得焉後之君子以余言爲然否爰筆以記